



ქალაქ ფოთის მუნიციპალიტეტის საკურებულო



განკარგულება №22/84

2019 წლის 30 ოქტომბერი

ქალაქი ფოთი

ქალაქ ფოთის მუნიციპალიტეტის საკუთრებაში არსებული სატრანსპორტო საშუალება ავტობუსის - ZONDA BUS, YCK6850HC2 (სარეგისტრაციო ნომერი ER083RE, გამოშვების წელი - 2008) სახელმწიფოსათვის საკუთრებაში უსასყიდლოდ გადაცემის შესახებ

ქალაქ ფოთის მუნიციპალიტეტის მერიას და საკურებულოს, 2019 წლის 01 ოქტომბრის, №5/58131 წერილით მიმართა სსიპ სახელმწიფო ქონების ეროვნული სააგენტოს თავმჯდომარემ, თანდართული აბაშის მუნიციპალიტეტის მერიის, 2019 წლის 26 სექტემბრის, №08/2039 წერილით, რომელშიც დასმულია საკითხი, ქალაქ ფოთის მუნიციპალიტეტის საკუთრებაში სატრანსპორტო საშუალება ავტობუსის - ZONDA BUS, YCK6850HC2 (სარეგისტრაციო ნომერი ER083RE, გამოშვების წელი - 2008) სახელმწიფოსათვის საკუთრებაში უსასყიდლოდ გადაცემის შესახებ, შემდგომში მისი აბაშის მუნიციპალიტეტისათვის საკუთრებაში გადაცემის მიზნით.

„ადგილობრივი თვითმმართველობის კოდექსის“ საქართველოს ორგანული კანონის 108-ე მუხლის პირველი პუნქტის თანახმად, მუნიციპალიტეტის საკუთრებაში არსებული ქონება, მათ შორის, არასასოფლო-სამეურნეო დანიშნულების მიწის ნაკვეთი, სასოფლო-სამეურნეო დანიშნულების მიწის ნაკვეთი (შენობა-ნაგებობებით ან მათ გარეშე), აგრეთვე წილები/აქციები (გარდა მუნიციპალიტეტის საკუთარი უფლებამოსილების განხორციელებისათვის საჭირო ძირითადი (განუსხვისებელი) ქონებისა) სახელმწიფოს საკუთრებაში უსასყიდლოდ გადაცემა „სახელმწიფო ქონების შესახებ“ საქართველოს კანონით განსაზღვრული ქონების მმართველის დასაბუთებული მიმართვის საფუძველზე, მუნიციპალიტეტის საკურებულოს გადაწყვეტილებით. ამავე მუხლის მეორე პუნქტი განმარტავს რომ, ამ მუხლის პირველი პუნქტით გათვალისწინებულ მოთხოვნაზე დასაბუთებულ – დადებით ან უარყოფით გადაწყვეტილებას იღებს მუნიციპალიტეტის საკურებულო. შესაბამისი პასუხი წერილობით ეცნობება მოთხოვნის წარდგენიდან არაუგვიანეს 45 დღისა. თუ უფლებამოსილმა ორგანომ მოთხოვნის წარდგენიდან 45 დღის ვადაში გადაწყვეტილება არ მიიღო, მოთხოვნილი ქონება სახელმწიფოსათვის ან/და ავტონომიური რესპუბლიკისათვის საკუთრებაში გადაცემულ ქონებად ჩაითვლება და სახელმწიფოს ან/და ავტონომიური რესპუბლიკის საკუთრებად რეგისტრირდება.

ზემოაღნიშნულის გათვალისწინებით მიზანშეწონილია განხორციელდეს ქალაქ ფოთის მუნიციპალიტეტის საკუთრებაში არსებული სატრანსპორტო საშუალება ავტობუსის - ZONDA BUS, YCK6850HC2 (სარეგისტრაციო ნომერი ER083RE, გამოშვების წელი - 2008) სახელმწიფოსათვის საკუთრებაში უსასყიდლოდ გადაცემა, შემდგომში მისი აბაშის მუნიციპალიტეტისათვის საკუთრებაში გადაცემის მიზნით.

აღნიშნულიდან გამომდინარე:

მუხლი 1.

გადაცეს, სახელმწიფოს საკუთრებაში უსასყიდლოდ, ქალაქ ფოთის მუნიციპალიტეტის საკუთრებაში არსებული, სატრანსპორტო საშუალება ავტობუსი - ZONDA BUS, YCK6850HC2 (სარეგისტრაციო ნომერი ER083RE, გამოშვების წელი - 2008).

მუხლი 2.

განკარგულება შეიძლება გასაჩივრდეს მისი კანონმდებლობით გათვალისწინებული წესით გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 3.

საქართველოს ზოგადი ადმინისტრაციული კოდექსის 54-ე მუხლის პირველი ნაწილის შესაბამისად, განკარგულება ძალაშია კანონით დადგენილი წესით მხარისათვის გაცნობისთანავე.



საკრებულოს თავმჯდომარე

ირაკლი კაკულია